



舊看長吉詩  
固喜其才亦  
厭其澁落筆  
細讀方知作  
者用心料他  
人觀不到此  
也是千年長  
吉猶無知己  
也以杜牧之  
鄭重為叙直  
取二三歌詩  
而止始知牧  
亦未嘗讀也  
即讀亦未知  
也微一二歌

李長吉歌詩敘

大和五年十月中。半夜時。舍外有疾呼。傳緘書者。牧曰。必有異。亟取火來。及發之。果集賢學士沈公子明書一通。曰。我亾友李賀。元和中。義愛甚厚。日夕相與起居飲食。賀且死。嘗授我平生所著歌詩。離為四編。凡二百三十三首。數年來。東西南北。良為已失去。今夕醉解。不復得寐。即閱理篋帙。忽得賀詩前所校我者。思理往事。凡與賀話言嬉遊。一

詩將無道長  
吉者矣謂其  
理不及騷未  
也亦未必知  
騷也騷之荒  
忽則過之矣  
更歎僕騷以  
非也千年長  
吉余甫知之  
耳詩之難讀  
如此而作者  
常嘔心何也

處所。一物候。一日一夕。一觴一飯。顯顯然無有忘  
棄者。不覺出涕。賀復無家室子弟。得以給養。卹問。  
常恨想其人。味其言止矣。于厚於我。與我爲賀集  
序。盡道其所來由。亦少解我意。牧其夕不果。以書  
道不可。明日就公謝。且曰。世謂賀才絕出前讓。居  
數日。牧深惟公曰。公於詩爲深妙奇博。且復盡知  
賀之得失短長。今實序賀不讓。必不能當公意。如  
何。復就謝。極道所不敢序賀。公曰。子固若是。是當

慢我。牧因不敢復辭。勉爲賀敘。然其甚慚。唐皇諸  
孫賀。字長吉。元和中韓吏部亦頗道其歌詩。雲煙  
綿聯。不足爲其態也。水之迢迢。不足爲其情也。春  
之盎盎。不足爲其和也。秋之明潔。不足爲其格也。  
風檣陣馬。不足爲其勇也。瓦棺篆鼎。不足爲其古  
也。時花美女。不足爲其色也。荒國侈殿。梗莽丘隴。  
不足爲其恨怨悲愁也。鯨呿鼉擲。牛鬼蛇神。不足  
爲其虛荒誕幻也。蓋騷之苗裔。理雖不及。辭或過

樊川及遺稱  
道形容非不  
極至獨惜理  
不及騷不知  
賀所長正在  
理外如惠施

堅白特以不  
近人情而聽  
者惑焉是為  
辨若眼前語  
衆人意則不  
待長吉能之  
此長吉所以  
自成一家歟



之。騷有感怨刺懟言及君臣理亂。時有以激發人  
意。乃賀所為。無得有是。賀復探尋前事。所以深歎  
恨古今未嘗經道者。如金銅仙人辭漢歌。補梁庾  
肩吾宮體謠。求取情狀離絕。遠去筆墨畦逕間。亦  
殊不能知之。賀生二十七年死矣。世皆曰使賀且  
未死。少加以理。奴僕命騷可也。賀死後凡十有五  
年。京兆杜牧為其敘。

### 李長吉小傳

李商隱

京兆杜牧為李長吉集敘。狀長吉之奇甚盡。世傳  
之。長吉姊嫁王氏者。語長吉之事尤備。長吉細瘦。  
通眉。長指爪。能苦吟疾書。最先為昌黎韓愈所知。  
所與游者。王恭元楊敬之。權璩崔植之為密。每日  
日出與諸公游。未嘗得題。然後為詩。如他人思量  
牽合。以及程限為意。恒從小奚奴。騎距驢背。一古

破錦囊。遇有所得。卽書投囊中。及暮歸。太夫人使婢受囊出之。見所書多。輒曰。是兒要當嘔出心。乃已爾。上燈與食。長吉從婢取書。研墨。疊紙。足成之。投他囊中。非大醉及弔喪。日率如此。過亦不復省。王楊輩時復來探取寫去。長吉往往獨騎往還京雒。所至或時有著。隨棄之。故沈子明家所餘四卷而已。長吉將死時。忽晝見一緋衣。駕赤蚪。持一版書。若大古篆。或霹靂石文者。云當召長吉。長吉了

不能讀。歛下榻叩頭。言阿彌老且病。賀不願去。緋衣人笑曰。帝成白玉樓。立召君爲記。天上差樂不苦也。長吉獨泣。邊人盡見之。少之。長吉氣絕。常所居牕中。焯焯有煙氣。聞行車嘒管之聲。太夫人急止人哭。待之如炊五斗黍許時。長吉竟死。王氏姊非能造作。謂長吉者。實所見如此。嗚呼。天蒼蒼而高也。上果有帝邪。帝果有苑囿宮室觀閣之玩邪。苟信然。則天之高邈。帝之尊嚴。亦宜有人物文采

愈此世者。何獨番番於長吉。而使其不壽邪。噫。又豈世所謂才而奇者。不獨地上少邪。天上亦不多邪。長吉生時二十四年。位不過奉禮太常。中人亦多排擯毀斥之。又豈才而奇者。帝獨重之。而人反不重邪。又豈人見會勝帝邪。

李長吉本傳

宋 祁

李賀字長吉。系出鄭王後。七歲能辭章。韓愈皇甫湜始聞未信。過其家。使賀賦詩。援筆輒就。如素構。自目曰高軒過。二人大驚。自是有名。爲人纖瘦。通眉。長指爪。能疾書。每旦日出。騎弱馬。從小奚奴。背一古錦囊。遇所得書。投囊中。未始先立題。然後爲詩。如他人牽合程課者。及暮歸。足成之。非大醉弔

喪日率如此。過亦不甚省。母使婢探囊中。見所書多。卽怒曰。是兒要當嘔出心乃已耳。以父名晉肅。不肯舉進士。愈爲作諱辯。然卒亦不就舉。辭尚奇詭。所得皆驚邁絕去。翰墨畦逕。當時無能效者。樂府數十篇。雲韶諸工。皆合之絃管。爲協律郎。卒年二十七。與游者權璩。楊敬之王恭元。每譔著。時爲所取去。賀亦早世。故其詩歌世傳者鮮焉。

今世詞家爲勗詩者。無不喜擬長吉。亦一時之變也。先輩稱善言詩者。咸服膺宋劉涇溪先生李文正公麓堂詩話。稱其語簡意切。別自一機軸。諸人評詩者。皆不及良然。自杜少陵以下。諸名家皆有評。而其於長吉擊節彌甚。蓋長吉謫恠先生。亦刻意摹索。而有得至。謂千年長吉甫有知己。以誚樊川。雅自負。可知已。近世徐文長亦有評。恐未必能及先生。當自有辨之者。樊川

叙云山四卷外詩乃唐李公藩所遺恐有贗者  
竄入先生固已疑之矣請以以之喜為其體者

吳興凌濛初識

侄蘇柎校

李長吉歌詩目錄卷之一

李憑箜篌引

殘絲曲

還自會稽歌

出城寄權璩楊敬之

示弟

竹

同沈駙馬賦得御溝水



始爲奉禮憶昌谷山居

七夕

過華清宮

送沈亞之歌

詠懷二首

追和柳惲

春坊正字劔子歌

貴公子夜闌曲

鴈門太守行

大堤曲

蜀國絃

蘇小小墓

夢天

唐兒歌

綠章封事

河南府試十二月樂辭

附閏月

天上謠

浩歌

秋來

帝子歌

秦王飲酒

洛姝真珠

李夫人

走馬引

湘妃

南園十三首

李長吉歌詩目錄卷之一

終

李長吉歌詩目錄卷之二

金銅仙人辭漢歌

古悠悠行

黃頭郎

馬詩二十三首

申胡子鳳篋歌

傷心行

湖中曲

黃家洞

屏風曲

南山田中行

貴主征行樂

酒罷張大徹索贈詩

羅浮山人與葛篇

仁和里雜敘皇甫湜

宮娃歌

堂堂

勉愛行二首送小季之廬山

致酒行

長歌續短歌

公莫舞歌

昌谷北園新筍四首

惱公

感諷五首

三月過行宮

李長吉歌詩目錄卷之二終

李長吉歌詩目錄卷之三

追和何謝銅雀妓

送秦光祿北征

酬答二首

畫角東城

嘲謝秀才四首

昌谷讀書示巴童

巴童答

代崔家送客

出城

莫種樹

將發

追賦畫江潭苑四首

潞州大宅病酒遇江使寄上十四兄

難忘曲

賈公閭貴壻曲

夜飲朝眠曲

王濬墓下作

客遊

崇義里滯雨

馮小憐

贈陳商

釣魚詩

奉和二兄罷使遣馬歸延州

答贈

題趙生壁

感春

仙人

河陽歌

花遊曲

春晝

安樂宮

胡蝶飛

梁公子

牡丹種曲

後園鑿井

開愁歌

秦宮詩

古鄴城童子謠

楊生青花紫石硯歌

房中思

石城曉

苦晝短

章和二年中

春歸昌谷

昌谷詩

銅駝悲

自昌谷到洛後門

曉入太行山

秋涼詩寄正字十二兄



李長吉歌詩目錄卷之三終

李長吉歌詩目錄卷四

艾如張

上雲樂

摩多樓子

猛虎行

日出行

苦篁調嘯引

拂舞歌詞

夜坐吟

箜篌引

巫山高

平城下

江南弄

榮華樂

相勸酒

瑤華樂

北中寒

梁臺古愁

公無出門

神絃曲

神絃

神絃別曲

綠水辭

沙路曲

上之回

高軒過

貝宮夫人

蘭香神女廟

送韋仁實兄弟入關

洛陽城外別皇甫湜

溪晚涼

官不來

長平箭頭歌

江樓曲

塞下曲

染絲上春機

五粒小松歌

塘上行

呂將軍歌

休洗紅

野歌

美人梳頭歌

月漉漉歌

京城

官街鼓

許公子鄭姬歌

新夏歌

題歸夢

將進酒

經沙苑

出城別張又新酬李漢

李長吉歌詩目卷之四終

李長吉外詩集目錄

南園

假龍吟歌

感諷六首

莫愁曲

夜來樂

嘲雪

春懷引

白虎行

有所思

嘲少年

高平縣東私路

神仙曲

龍夜吟

崑崙使者

歎唐姬飲酒歌

聽穎師琴歌

謠俗

李長吉外集目錄終

李長吉歌詩卷之一



唐隴西李賀



宋廬陵劉辰翁評

李憑箏篋引

吳絲蜀桐張高秋。空山凝雲頽不流。江娥啼竹素  
女愁。李憑中國彈箏篋。崑山玉碎鳳凰叫。芙蓉泣  
露香蘭笑。十二門前融冷光。二十三絲動紫皇。女  
媧鍊石補天處。石破天驚逗秋雨。夢入神山教神

○其○形○容○俯○仰○得○于○此○而○於○箏○篋○為○

狀景如画自其所長箏篋聲研有之崑山玉頗無謂下七字妙語非玉簫不足以當石破天驚過于遠梁過雲之上至





飛去何事還車載病身。

示弟

六是恨意凄  
婉如老人語

別弟三年後還家一日餘醪醕今夕酒。緗帙去時書病骨猶能在。人間底事無何須問牛馬拋擲任泉盧。

竹

入水文光動。抽空綠影春。露華生筍逕。苔色拂霜根。織可承香汗。裁堪釣錦鱗。三梁曾入用。一節奉

詠竹出此故奇

王孫

同沈駙馬賦得御溝水

入苑白泱泱。官人正靨黃。遶堤龍骨冷。拂岸鴨頭香。別館驚殘夢。停杯泛小觴。幸因流浪處。暫得見何郎。

始為奉禮憶昌谷山居

掃斷馬蹄痕。衙迴自閉門。長鎗江米熟。小樹棗花春。向壁懸如意。當簾閱角巾。犬書曾去洛。鶴病悔

第一句是

各有幽趣

遊秦土甌封茶葉。山杯鎖竹根。不知船上月。誰棹滿溪雲。

七夕

鬼語之淺者

別浦今朝暗。羅帷午夜愁。鵲辭穿線月。花入曝衣樓。天上分金鏡。人間望玉鉤。錢塘蘇小小。更值一年秋。

過華清宮

春月夜啼鴉。宮簾隔御花。雲生朱絡暗。石斷紫錢

三 似幸蜀稱蜀

斜。玉腕盛殘露。銀燈點舊紗。蜀王無近信。泉上有芹芽。

送沈亞之歌 并敘

文人沈亞之。元和七年。以書不中第。返歸于吳江。吾悲其行。無錢酒以勞。又感沈之勤請。乃歌一解以勞之。

吳興才人怨春風。桃華滿陌千里紅。紫絲竹斷驄馬小。家住錢塘東復東。白藤交穿織書笈。短策齊

裁如梵夾。雄光寶礦獻春卿。煙底鷺波乘一葉春。  
卿拾材白日下。擲置黃金解籠馬。攜笈歸江重入  
門。勞勞誰是憐君者。吾聞壯夫重心骨。古人三走  
無摧挫。請君待旦事長鞭。他日還轅及秋律。

詠懷二首

長卿懷茂陵。綠草垂石井。彈琴看文君。春風吹鬢  
影。梁王與武帝。棄之如斷梗。惟留一簡書。金泥秦  
山頂。

其二

日夕著書罷。驚霜落素絲。鏡中聊自笑。詎是南山  
期。頭上無幅巾。苦蘗已染衣。不見清溪魚。飲水得  
自宜。

追和柳惲

汀洲白蘋草。柳惲乘馬歸。江頭檀樹香。岸上胡蝶  
飛。酒杯箬葉露。玉軫蜀桐虛。朱樓通水陌。沙暖一  
雙魚。

就用柳惲句  
意頗跌宕景  
語亦近自然

雖刻面點綴  
簇密而縱橫  
用意甚嚴劍  
身劍室紋理  
刻字束帶色  
雜進一疊犯  
仍不妨句意  
春容俯仰秋  
郊語甚奇不  
歌再言

此貴公子夜闌  
曲也以玉帶為  
冷其怯可見也  
此語不必可解  
而得之心自洒

然述似六其偏  
得之形容夜色

起語奇賦雁門  
着紫土木嫩後  
三語無甚生氣  
設為死敵之意  
偏欲如此頗似  
敗後之作

春坊正字劔子歌

先輩匣中三尺水。曾入吳潭斬龍子。隙月斜明刮  
露寒。練帶平鋪吹不起。蛟胎皮老疾藜刺。鷓鴣淬  
花白。鵬尾直是荆軻一片心。莫教照見春坊字。接  
絲團金懸麗殺。神光欲截藍田玉。提出西方白帝  
驚。嗷嗷鬼母秋郊哭。

貴公子夜闌曲

裊裊沉水煙。烏啼夜闌景。曲沼芙蓉波。腰圍白玉

冷

鴈門太守行

黑雲壓城城欲摧。甲光向日金鱗開。角聲滿天秋  
色裏。塞土燕脂凝夜紫。半卷紅旗臨易水。霜重鼓  
寒聲不起。報君黃金臺上意。提携玉龍為君死。

大堤曲

妾家住橫塘。紅紗滿桂香。青雲教縮頭上髻。明月  
與作耳邊璫。蓮風起。江畔春。大堤上。留北人。郎食

甚言時景之  
不留而有頓  
見之思有微  
憾之意

乍看渾未喻  
蜀國絃但覺  
別是一段情  
緒自不必語  
辭也絃之悲  
何以易此

參差苦澀無  
限慘黯若無  
同心語亦不  
為到家此種

小墓也妖  
嚴閃鏗間意  
故不歌其近  
洛神賦身

意近語超

其為仙人  
語亦不甚費  
力使盡如起  
語當自映耳

白狀飛駿  
鯉魚尾。妾食猩猩脣。莫指襄陽道。綠浦歸帆少。今  
日菖蒲花。明朝楓樹老。

蜀國絃

楓香晚花靜。錦水南山影。驚石墜猿哀。竹雲愁半  
嶺。涼月生秋浦。玉沙粼粼光。誰家紅淚客。不忍過  
瞿塘。

蘇小小墓

便幽蘭露如啼眼。無物結同心。煙花不堪剪。草如茵。

夢天

松如蓋。風為裳。水為珮。油壁車。夕相待。冷翠燭。勞  
光彩。西陵下。風吹雨。古今鬼話無此慘澹盡情本于樂章而以  
近體變化之故奇滋不厭冷翠燭勞光彩  
以李夫人賦西陵語括山鬼更佳

老兔寒蟾泣天色。雲樓半開壁斜白。玉輪軋露濕  
團光。鸞珮相逢桂香陌。黃塵清水三山下。更變千  
年如走馬。遙望齊州九點煙。一泓海水杯中瀉。

唐兒歌 一作唐歌兒 杜幽公之子

頭玉瑯瑯眉刷翠。杜郎生得真男子。骨重神寒天

豔語驚人

廟器一雙瞳人剪秋水。竹馬梢梢搖綠尾。銀鸞睽  
光踏半臂。東家嬌娘求對值。濃笑畫空作唐字。眼  
大心雄知所以。莫忘作歌人姓李。

綠章封事

為道士夜醮作

不必題事但一  
語如此誰不驚  
異神奇

青霓扣額呼宮神。鴻龍玉狗開天門。石榴花發滿  
溪津。溪女洗花染白雲。綠章封事諮元父。六街馬  
蹄浩無主。虛空風氣不清冷。短衣小冠作塵土。金  
家香街千輪鳴。楊雄秋室無俗聲。願攜漢戟招書

苦甚無味

鬼。休令恨骨填蒿里。

河南府試十二月樂詞

并閏月

正月

是辭調

似美人望春  
意

上樓迎春新春歸。暗黃着柳宮漏遲。薄薄淡靄弄  
野姿。寒綠幽風生短絲。錦床曉臥玉肌冷。露臉未  
開對朝暝。官街柳帶不堪折。早晚菖蒲勝綰結。

二月

飲酒採桑津。宜男草生蘭笑人。蒲如交劔風如薰。

亦好

本言別意苦  
入蒿里

勞勞胡鷺怨。酣春薇帳逗。煙生綠塵。金翅峨眉愁。  
暮雲。杳颯起舞。真珠裙。津頭送別。唱流水。酒客背  
寒南山死。

三月

東方風來滿眼春。花城柳暗愁殺人。複宮深殿竹  
風起。新翠舞衿淨如水。光風轉蕙百餘里。暖霧驅  
雲撲天地。軍裝宮妓掃蛾淺。搖搖錦旗夾城暖。曲  
水飄香去不歸。梨花落盡成秋苑。

皆非衆人所  
嘗識謂竹也

自是好句

四月

曉涼暮涼樹如蓋。千山濃綠生雲外。依微香雨青  
氛氲。膩葉蟠花照曲門。金塘閑水搖碧漪。老景沈  
重無驚飛。墮紅殘萼暗參差。

五月

雕玉押簾額。輕縠籠虛門。井汲鉛華水。扇織鴛鴦  
紋。回雪舞涼殿。甘露洗空綠。羅袖從徊翔。香汗沾  
寶粟。

六月

裁生羅。伐湘竹。帔拂疎霜簟秋玉。炎炎紅鏡東方  
開。暈如車輪上徘徊。啾啾赤帝騎龍來。

七月

星依雲渚冷。露滴盤中圓。好花生木末。衰蕙愁空  
園。夜天如玉砌。池葉極青錢。僅厭舞衫薄。稍知花  
簾寒。曉風何拂拂。北斗光闌干。

八月

嬾妾怨夜長。獨客夢歸家。傍簷蟲緝絲。向壁燈垂  
花。簾外月光吐。簾內樹影斜。悠悠飛露姿。點綴池  
中荷。

九月

離宮散螢天似水。竹黃池冷芙蓉死。月綴金鋪光  
脉脉。涼苑虛庭空澹白。露花飛飛風草草。翠錦爛  
斑滿層道。雞人罷唱曉瓏璵。鴉啼金井下疎桐。

十月



玉壺銀箭稍難傾。釭花夜笑疑幽明。碎霜斜舞上  
羅幕。燭龍兩行照飛閣。珠帷怨臥不成眠。金鳳刺  
衣着體寒。長眉對月鬪彎環。

十一月

宮城團迴凜嚴光。白天碎碎墮瓊芳。搗鍾高飲千  
日酒。一作到天戰却凝寒作君壽。御溝泉合如環素。火井溫  
泉在何處。

十二月

日脚淡光紅灑灑。薄霜不銷桂枝下。依稀和氣掛  
冬嚴。已就長日辭長夜。

閏月

帝重光。年重時。七十二候迴環推。天官玉瑄一作街灰剝  
飛。今歲何長來。歲遲。王母移桃獻天子。羲氏和氏  
迂龍轡。

天上謠

天河夜轉漂迴星。銀浦流雲學水聲。玉宮桂樹花

渾々語音  
天河銀浦似

李長吉卷一

十一

重複長吉此類亦多要為疎雋不問此耳送詩中多有此例

漫南風起一句便不可及迭蕩宛轉沉着起伏真俠少年之度忽碩美人情境

俱至妙處不必可解

非長吉自挽耶  
只秋夜讀書自弔其苦何其險語至此然無一字不合

未落仙妾採香垂珮纓。秦妃卷簾北牕曉。牕前植桐青鳳小。王子吹笙鶴管長。呼龍耕煙種瑤草。粉霞紅綬藕絲裙。青洲步拾蘭茗春。東指羲和能走馬。海塵新生石山下。

浩歌

南風吹山作平地。帝遣天吳移海水。王母桃花千徧紅。彭祖巫咸幾回死。青毛驄馬參差錢。嬌春楊柳含細煙。筆人勸我金屈卮。神血未凝身問誰。不

須浪飲丁都護。世上英雄本無主。買絲繡作平原君。有酒惟澆趙州土。漏催水咽玉蟾蜍。衛娘髮薄不勝梳。看見秋眉換新綠。二十男兒那刺促。

秋來

桐風驚心壯士苦。衰燈絡緯啼寒素。誰看青簡一編書。不遣花蟲粉空蠹。思牽今夜腸應直。雨冷香菟弔書客。秋墳鬼唱鮑家詩。恨血千年土中碧。

帝子歌

徒別詭而無  
情

洞庭帝子一千里。涼風鴈啼天在水。九節菖蒲石  
上死。湘神彈琴迎帝子。山頭老桂吹古香。雌龍怨  
吟寒水光。沙浦走魚白石郎。閑取真珠擲龍堂。

### 秦王飲酒

秦王騎虎遊八極。劍光照空天自碧。羲和敲日玻  
瓊聲。劫灰飛盡古今平。龍頭瀉酒邀酒星。金槽琵琶  
夜枳枳。洞庭雨脚來吹笙。酒酣喝月使倒行。銀  
雲櫛櫛瑤殿明。宮門掌事報一更。花樓玉鳳聲嬌

任言無當而有其理

雜碎

舞。海綃紅文香淺清。黃鵝跌舞千年觥。仙人燭樹  
蠟燭輕。清琴醉眼淚泓泓。

### 洛姝真珠

真珠小娘下清廓。洛苑香風飛綽綽。寒鬢斜釵玉  
鸞光。高樓唱月敲懸璫。蘭風桂露灑幽翠。紅絃裊  
雲咽深思。花袍白馬不歸來。濃娥疊柳香唇醉。金  
娥屏風蜀山夢。鸞裾鳳帶行煙重。八驄籠見臉羞  
移。日絲繁散曛羅洞。市南曲陌無秋涼。楚腰衛鬢

四時芳。玉喉窸窸排空光。牽雲曳雪留陸郎。

李夫人

紫皇宮殿重重開。夫人飛入瓊瑤臺。綠香繡帳何時歇。青雲無光宮水咽。翩聯桂花墜秋月。孤鸞驚啼商絲發。紅壁闌珊懸佩璫。歌臺小妓遙相望。玉蟾滴水雞人唱。露華蘭葉參差光。

至淺語亦獨步  
又似才太過

走馬引

我有辭鄉劍。玉鋒堪截雲。一作長安襄陽走馬客。一作步意氣自生

照身。春朝嫌劍花淨。暮嫌劍光冷。能持劍向人。一作解持

湘妃

筠竹千年老不死。長伴秦娥蓋湘水。蠻娘吟弄滿寒空。九山靜綠淚花紅。別離鸞別鳳煙梧中。巫雲蜀雨遙相通。幽愁秋氣上青楓。涼夜波間吟古龍。

南園十三首

其一

花枝草蔓眼中開。小白長紅越女腮。可憐日暮嬌  
香落。嫁與春風不用媒。

其二

宮北田塍曉氣酣。黃桑飲露窳宮簾。長腰健婦偷  
攀折。將餒吳王八繭蠶。

其三

竹裏繰絲挑網車。青蟬獨噪日光斜。桃膠迎夏香  
琥珀。自課越傭能種瓜。

其四

三十未有二十餘。白日長飢小甲蔬。橋頭長老相  
哀念。因遺戎韜一卷書。

其五

男兒何不帶吳鉤。收取關山五十州。請君暫上凌  
煙閣。若個書生萬戶侯。

其六

尋章摘句老雕蟲。曉月當簾挂玉弓。不見年年遼

絕好起句

其用事類此  
六自得也

海上文章何處哭秋風。

其七

長卿牢落悲空舍。曼倩詼諧取自容。見買若耶溪  
水劍。明朝歸去事猿公。

其八

春水初生乳燕飛。黃蜂小尾撲花歸。牕含遠色通  
書幌。魚擁香鉤近石磯。

其九

泉沙奕臥鴛鴦暖。曲岸迴篙舴艋遲。瀉酒木欄椒  
葉葢。病容扶起種菱絲。

其十

邊壤今朝憶蔡邕。無心裁曲臥春風。舍南有竹堪  
書字。老去溪頭作釣翁。

其十一

長巒谷口倚嵇家。白晝千峯老翠華。自履藤鞋收  
石蜜。手牽苔絮長蕪花。

豈即尊耶

歌、可念其  
詞其事與托  
皆妙

云自鮮麗眼  
前語與苦入  
手自別

其十二

松溪黑水新龍卵。桂洞生硝舊馬牙。誰遣虞卿裁  
道帔。輕綃一匹染朝霞。

其十三

小樹開朝逕。長茸濕夜煙。柳花驚雪浦。麥雨漲溪  
田。古刹疎鍾度。遙嵐破月懸。沙頭敲石火。燒竹照  
漁船。

李長吉歌詩卷之一 終

